

袁
冀著

元史研究論集

臺灣商務印書館發行

中華民國六十三年九月初版

元史研究論集

一冊

基本定價
二元五角

定價新臺幣九十四元正

著作者

袁

冀

發行者

臺灣商務印書館股份有限公司

印刷及
發行所

臺灣商務印書館股份有限公司

臺北市重慶南路一段三十七號

登記證：內版臺業字第〇一三號

版權所有
翻印必究

元史研究論集

(風落)

目次

一、元代眞大道教考·····	一
二、略論秋澗大全集對元代道教研究之價值·····	三六
三、金元之際江北之人民生活·····	四八
四、說元代吏治·····	七四
五、元太祖班朱尼河飲水誓衆考略·····	一〇四
六、元太祖成吉思汗之壽期與生卒年考·····	一一七
七、試擬元史張易傳略·····	一二六
八、東平嚴實幕府人物與興學初考·····	一四〇
九、元代藁城董氏評述·····	一五三
十、元代之畏吾兒·····	一八九

十一、元代之國子學·····	二〇三
十二、元代的站赤·····	二三六
十三、元初河漕轉運之研究·····	二六六
十四、元代兩京間驛路考釋·····	二八七
十五、元王惲驛赴上都行程考釋·····	三〇一
十六、元代衛輝之地位·····	三二七
十七、元史劄記·····	三六一

一、元代真大道教考

一 前言

真大道教，以力主遠勢力，安貧賤。虛心而弱志，和光而同塵。故其道侶，律皆深居簡出，不求聞達。刻苦自勵，不濡跡公卿。遂致其碑版文獻，遠較元代道教之其他支派爲少。兼以時日既久，史料本多散亡，而刻板印書，每又刪去釋道文字。所以，有關真大道教之資料，雖經十年力積，亦僅下列二十餘篇而已。且有若干未能覩及全文者。

一、元代白話碑：「河南輝縣頤真宮聖旨碑」。

二、柳待制集：「真大道教祖師劉德仁加封真君制」。

三、宋文憲公集：「書劉真人事」。

四、秋澗大全集：「遊鵝川水谷太玄宮」。

五、雪樓集：「鄭真人碑」。

六、道園學古錄：「真大道教第八代崇玄廣化真人岳公碑」。

七、道園學古錄：「大道教十一祖張真人制」。

八、道園學古錄：「吳張高風圖序」。

九、元史：「釋老傳」。

十、新元史：「驛老傳」。

十一、畿輔通志：金石三、劉廣撰：「崇元廣化岳真人道行碑」。

十二、畿輔通志：金石三、吳澄撰：「元應真人張志清道行碑」（吳文正集，未收此文）。

十三、畿輔通志：金石二、李謙撰：「制贈大道四世稱號碑」。

十四、畿輔通志：金石十二、劉廣撰：「太元真人酈希誠本行碑」。

十五、畿輔通志：金石二、王鶚撰：「重修天長觀記」。

十六、畿輔通志：金石二、楊果撰：「玉虛觀大道祖師傳授碑」。

十七、畿輔通志：金石二、陳時可撰：「白雲觀處順堂會葬記」。

十八、畿輔通志：金石三、龐鑄撰：「重修玉虛觀三清殿記」。

十九、畿輔通志：金石十二、胡慶雲撰：「重修天成觀碑」。

二十、山東通志、雜志：「張信真傳」。

二十一、山東通志、雜志：「劉真人傳」。

至古今圖書集成、神異典、神仙部：「金劉真人傳」。

至古今圖書集成、神異典、神仙部：「元張信真傳」。

至古今圖書集成、神異典、神仙部：「元岳真人傳」。

至古今圖書集成、方士部：「元酈希誠傳」。

此外，元史本紀，古今圖書集成，以及方志之寺觀、山川、陵墓等志，亦每能提供，頗爲珍貴之參考資料。

二 創始與傳宗

真大道教，亦稱直士教。

畿輔通志「制贈大道四世稱號碑」：「其時，推崇釋老黃冠之徒，各立名號，凡有五宗。邱處機學於王重陽，號全真教。張宗演傳其祖道陵之學，號正一教。張留孫實正一徒派，以受時王寵異，別其號爲元教。酈希誠學於劉德仁，號直士教。蕭輔道學於蕭抱珍，號太一教。」

又簡曰大道教。

雪樓集「鄭真人碑」：「大道之流，予不能探其源，其見于記述者，已十世。」

道園學古錄：「大道教十一祖張真人制」。

秋澗大全集：「遊瀉川水谷太玄宮」：「初大道酈五祖者，逃難此山。」

創始于劉德仁。

道園學古錄「真大道教第八代崇玄廣化真人岳公碑」：「國朝之制，凡爲其教之師者，必得在禁近，號其人曰真人，給以印章，得行文書，視官府。而真大道教者，則制封無憂普濟洞明真君劉德仁之所立也。」

得號于酈希誠。

元史釋老傳：「五傳而至酈希誠，居燕城天寶宮，見知憲宗，始號其教曰真大道。授希誠太玄真人，領教事。」

初治燕京之天長觀，又號太極宮。

宋文憲公集「書劉真人事」：「劉真人德仁……，金大定初，詔居天長觀，賜號東岳真人。」

畿輔通志「寺觀一」：「白雲觀，元太極宮故墟。金章宗紀：泰和三年十二月，賜天長觀額曰太極宮。」

畿輔通志、金石二「長春真人邱處機本行碑」：「丁亥五月，有旨以瓊華台爲萬安宮

，天長觀爲長春宮。」

畿輔通志、金石二、「白雲觀處順堂會葬記」：「長春宗師旣逝，嗣其道者尹公，乃易其宮之東甲第爲觀，題號白雲。」

畿輔通志、寺觀一、「重修白雲觀碑」：「白雲觀，在都城西南三里，乃邱真人藏蛻之所。」

迨入元之後，政治大都之天寶宮。

元史釋老傳：「五傳而至酈希誠，居燕城天寶宮。」

道園學古錄「真大道教第八代崇玄廣化真人岳公碑」：「而真大道教者……，治大都城南天寶宮。」

按天寶宮，畿輔通志與古今圖書集成寺觀志，均不載，或已湮滅，待考。

且得郡置道官，與全真、太一、正一、玄教者流相參立。

道園學古錄「真大道教第八代崇玄廣化真人岳公碑」：「真大道者……，又嘗得郡置道官一人，領其徒屬，與全真正一之流，參立矣。」

至其傳宗授受，自始祖劉德仁，而二祖陳師正。

宋文憲公集「書劉真人事」：「德仁卒，陳師正嗣。師正初漁於河，德仁挈以入道，

能預知凶吉事。」

三祖張信真。

宋文憲公集「書劉真人事」：「師正卒，張信真嗣。有詩文數百篇，號玄真集傳於世。」

四祖毛希琮。

宋文憲公集「書劉真人事」：「信真卒，毛希琮嗣。當金亡之際，兵戈俶擾，希琮能以柔而存。」

五祖酈希誠。

道園學古錄「真大道教第八代崇玄廣化真人岳公碑」：「五代師太玄酈希誠真人，居懷來水峪之太玄宮。」

秋澗大全集「遊嬀川水谷太玄宮」：「初大道酈五祖者，逃難此山。」

六祖孫德福。

道園學古錄「真大道教第八代崇玄廣化真人岳公碑」：「太玄化去也，密告六代師，玄通孫德福真人曰：岳生其八代乎？」

七祖李德和。

道園學古錄「真大道教第八代崇玄廣化真人岳公碑」：「第七代師，願真李德和真人之掌教也……，以教事付真人。」

八祖岳德文。

道園學古錄「真大道教第八代崇玄廣化真人岳公碑」：「真大道教第八代師，曰岳真人，諱德文……，以大德三年二月化去……始涿有童謠云：涿有八岳，父老莫之解也。後真人號岳八祖，蓋其徵云。」

九祖張清志。

宋文憲公集「書劉真人事」：「德文卒，張清志嗣，自德仁至此，世稱之爲九祖云。」

十祖待考，十一祖鄭進元。

雪樓集「鄭真人碑」：「大道之流……，其十一世之祖，曰鄭君，名進元。」

十二祖張某。

雪樓集「鄭真人碑」：「十二月命召普濟大師張君於秦中，明年四月……，疾作，謂侍者曰，歸期至矣，普濟當嗣。」

逮十二祖而後，以迄元末，當仍有數傳，惜文獻無徵，已無法考得矣。

三 教義與道衆

其教，初以其始祖之九戒爲宗旨。

宋文憲公集「書劉真人事」：「劉真人德仁……，乃取所授書，敷繹其義以示人。一曰視物猶己，勿萌戕害兇嘖之心。二曰忠於君，孝於親，誠於人，詞無綺語，口無惡聲。三曰除邪淫，守清靜。四曰遠勢力，安貧賤，力耕而食，量入爲用。五曰毋事博奕，毋習盜竊。六曰毋飲酒茹葷，衣食取足，毋爲驕盈。七曰虛心而弱志，和光而同塵。八曰勿恃強梁，謙尊爲先。九曰知足不辱，知止不殆。」

後遂以攻苦力作，苦節危行爲要道。

道園學古錄「真大道教第八代崇玄廣化真人岳公碑」：「而真大道教者，以苦節危行爲要，不妄求於人，不苟得於己，庶幾以徇世夸俗爲不敢者。」又云：「皆攻苦力作，嚴祀香火，朔望晨夕，拜望禮其師之爲真人者，如神明然。」

正唯其能去物慾，彰天理，天人合一，高風卓絕，故感召甚衆。

宋文憲公集「書劉真人事」：「史官曰：道喪千載，諸子之言人言人殊。德仁在宋金之間，髣髴老子遺意以化人，人亦多從之者。蓋其清修寡慾，謙卑自守。力作而食，

無求於人，實與天理合也。天理人心所同，固足以感召歟！」

道園學古錄「真大道教第八代崇玄廣化真人岳公碑」：「今其第九代掌教真人……即舍所賜傳，徒步入京師。深居寡出，人或不識其面。著書以名其學，文多奇奧。貴人達官來見，率告病伏臥內。雖有金玉重幣之獻，漠如也。或拜伏戶下良久，自牖間得一語而去，已爲幸甚過望。至於道德忠正，縉紳先生，則納履杖策往見，不以爲難。時人高其風，至畫爲圖以相傳。」

所以，奉其教者，亦幾遍國中。

宋文憲公集「書劉真人事」：「傳其教，幾遍國中。」

自秦隴燕代，以逾江淮河漢，計有宮觀四百處，道衆三千餘。

道園學古錄「真大道教第八代崇玄廣化真人岳公碑」：「吾聞其徒云，西出關隴，至於蜀。東望齊魯，至於海濱。南極江淮之表，皆有奉其教戒者……而真人時常使行人江南，錄奉其教者，已三千餘人，庵觀四百，其他可概知矣！」

惜資料喪失殆盡，有關其宮觀地址，道侶姓名，多已不可考得。

四 一代真人劉德仁生平考

劉德仁，滄州樂陵人。會靖康之亂，遂徙家鹽山之太平鄉。

宋文憲公集「書劉真人事」：「劉真人德仁，滄州樂陵人……………。會宋靖康之亂，徙居鹽山太平鄉。」

按鹽山，即今河北之鹽山縣。樂陵，即今山東之樂陵縣。見大清一統志。始生之初，即有異徵。

宋文憲公集「書劉真人事」：「始生，有光照其室。」

及長，讀書稍通大義。一日有老叟，授以道經要言，投筆而去，自是玄學大進。

宋文憲公集「書劉真人事」：「及長，讀書稍通大義……………。一日晨起，有老叟乘犢車相過，撫拾德經要言授之曰：善識之。可以修身，可以化人，仍投筆一枝而去。自是玄學頓進，從之游者衆。」

於是，乃演釋其義，立九戒之教，以化其鄉里。以其教，深契亂世之人心，故奉之者，幾遍國中。

見前引「書劉真人事」。

金主重其名，大定初，詔居燕之天長觀，賜號東嶽真人。

古今圖書集成、神異典、神仙列傳、「金劉真人」：「劉真人，名德仁……………，大定

初，詔居京城天長觀，賜號東嶽真人。」

時有趙氏者，被狐祟。德仁作法，數百狐鳴嘯赴火死，人共神之。

古今圖書集成、神異典、神仙列傳、「金劉真人」：「有趙氏被狐祟，德仁効之，狐數百鳴嘯赴火死，人共神之。」

德仁雖法術通靈，爲道家者流。然事母如禮，及喪，亦一遵世俗之法，無稍違悖。

宋文憲公集「書劉真人事」：「然其養母如禮，及亡，喪祭一遵世教，無衍度者。」元貞之世，遂追贈真君，並樹碑棣州冠劍所藏之處，以重名其教。

道園學古錄「真大道教第八代崇玄廣化真人岳公碑」：「元貞××年，加封其祖師，賜賚尤厚，使人立碑棣州冠劍所藏處。」

古今圖書集成、神異典、神仙列傳、「金劉真人」：「卒後，追封無憂普濟開明洞微真人。」

柳待制集「真大道教祖師無憂普濟真人劉德仁加封真君制」：「蓋聞大道常清淨自化，固盛治之攸資……應物無迹，知性皆本。有混同孔老之間，然言不離筌，終始天人之際……。」

按棣州，即今山東之惠民縣，見大清一統志。

五 三代真人張信真生平考

張信真，號希逸，滄縣之樂安人。

山東通志「雜志」：「張信真，號希逸，樂安人。」

按樂安，即今山東之廣饒縣，見大清一統志。

世業農，生有異徵。

古今圖書集成、神異典、神仙列傳：「張信真……，世以農桑爲業。其母嘗夜夢一

馭鶴仙人，現空中，遂感而娠。」

三月喪母，甫六歲，喜讀書，聰敏過人。

古今圖書集成、神異典、神仙列傳：「張信真……既誕三月，母亡。甫六歲，喜讀書，聰悟過人。」

年十五，從大通學道，戒行精嚴。自是，道術日精。

古今圖書集成、神異典、神仙列傳：「張信真……，泰和初，年十五，從父參禮大通爲師，戒行精嚴，祛邪治病，大有靈應。」

後復從天師受正一盟威法籙，遂聲望益隆。由是金主賜號真人，甚爲寵重。

古今圖書集成、神異典、神仙列傳：「張信真……復於天長觀問天師，授正一盟威秘籙，賜號真人。」

年五十五而卒。

古今圖書集成、神異典、神仙列傳：「張信真……行年五十五，當衆凌空而去。」有詩文數百篇，曰玄真集，傳于世。

宋文憲公集「書劉真人事」：「張信真嗣，有詩文數百篇，號玄真集，傳于世。」

六 五代真人鄺希誠生平考

鄺希誠，瀋川人。

古今圖書集成、神異典、方士列傳：「鄺希誠，瀋川人。」

按瀋川，亦作瀋川，爲今察哈爾之延慶縣。

碑傳多作誠。

宋文憲公集「書劉真人事」：「希琮卒，鄺希誠嗣。」

元史釋老傳：「五傳而至鄺希誠。」

畿輔通志、金石十二、延慶州：「重修天成觀碑」：「元鄺希誠重修。」